

ICI - ACONT DI PAIÂ DENTRI DAL 16 DI JUGN DAL 2008

NO ÀN DI PAIÂ LA ICI:

- Lis **abitazions principâls** (imobii di Categorie "A" infûr di **A1, A8, A9 e A10**) e lis **partignincis relativis** (rimessis, cantinis, e v.i.);
- I immobili tignûts tant che abitazion principâl dal Art. 10 dal Regolament Comunâl presint:
 - Cuartîrs di anzians residents in cjasis di cure o in ricovars (Art. 10, come 1);
 - Ex cjase vuadiâl (om e femine separâts - Art. 10, come 2);
 - Abitazions assegnadis in comodât gratuit (Art. 10, come 3);
 - Cuartîrs fitâts cun contrat di fit agjevolât (Art. 10, come 4);
 - Cuartîrs assegnâts daûr de Leç da la A.T.E.R. (Ex I.A.C.P. - Art. 10, come 5);
 - Cuartîrs assegnâts a socis di cooperativis a proprietât no dividude (Art. 10, come 5).

A SCUGNIN PAIÂ LA ICI:

- Lis **abitazions principâls** di categorie A1, A8 e A9 e lis **partignincis relativis** (rimessis, cantinis, e v.i.);
- Lis abitazions a disposizion o fitadis cun contrat no agjevolât;
- Lis abitazions a disposizion dai residents tal Forest (iscrits A.I.R.E.);
- Chei altris imobii (buteghis, uficis, capanons, e v.i.);
- Lis areis fabricabilis.

ATENZION:

Lis indicazioni che al fâs riferiment chest avîs a son previodudis dal resint D.L. 27/05/2008, n. 93 che al podarà subî modifichis in sede di conversion in Leç.

ESTRAT DAL REGOLAMENTO COMUNÂL ICI 2008 (fat bon cun Delibare dal Consei Comunâl dai 18 di Març dal 2008, n. 11)

ART. 10

ESTENSION DES AGJEVOLAZIONS APLICADIS AES ABITAZIONS PRINCIPÂLS

1. Daûr de Leç dai 23 di Dicembar dal 1996, n. 662, art. 3, come 56, si ten tant che abitazion principâl la unitât imobiliâr (abitazion e partignincis eventuâls) che anzians residents in istitûts di ricovar, di cure o di detenzion a àn a titul di proprietât o usufrut a pat che la stes no sedi fitade. A cheste si aplichin la alicuote agjevolade previodude pes abitazions principâls e la detrazion, ordenarie o straordenarie, che al fâs riferiment l'art. 1, comis 8 e 9 di chest regolament.
2. Daûr dal Decret Legjislatif dai 30 di Dicembar dal 1992, n. 504, art. 6, come 3/bis, la unitât imobiliâr (abitazion e partignincis eventuâls) assegnade al om o a la femine daspò di un provediment di separazion legâl, di anulament, di dissioziment o di fin dai efets civii dal matrimoni, si ten tant che abitazion principâl ancje par l'om o la femine che nol è assegnatari o no je assegnatarie. Chest al apliche o e apliche, daûr de cuote che al à o à, la alicuote agjevolade previodude pes abitazions principâls e la detrazion, ordenarie o straordenarie, che al fâs riferiment l'art. 1, comis 8 e 9 di chest regolament, a pat di no jessi proprietari o proprietarie o titolâr di dirit reâl di un imobil destinât a abitazion principâl logade tal stes comun dulà che e je logade la cjase vuadiâl.
3. Daûr dal Decret Legjislatif dai 15 di Dicembar dal 1997, n. 446, art. 59, come 1, letare e), si tegin tant che abitazions principâls lis unitâts imobiliârs dadis in comodât di ûs gratuit a parincj drets e colaterâi dentri dal secont grât, a pat che a sedin residents, dal pont di viste anagrafic, tes stessis. A chestis unitâts imobiliârs si apliche dome la alicuote agjevolade previodude pes abitazions principâls.
4. Te metude in vore de Leç dai 9 di Dicembar dal 1998, n. 431, art. 2, come 4, si tegin tant che abitazions principâls lis unitâts imobiliârs fitadis cun contrat di locazion regjistrât, come che e previôt la Leç, aes condizions definidis tai acuardis locâi e conciertadis cu lis organizacions de proprietât edilizie e dai condutôrs che, tal teritori di competence, a sedin plui rappresentativis. A chestis unitâts imobiliârs si apliche dome la alicuote agjevolade previodude pes abitazions principâls.
5. Daûr dal Decret Legjislatif 30.12.1992, n. 504, art. 8, come 4, si tegin tant che abitazions principâls lis unitâts imobiliârs che a son des cooperativis ediliziis a proprietât no dividude e destinadis a abitazion principâl dai socis assegnataris e ancje i cuartîrs assegnâts daûr de Leç da la ATER. A chestis unitâts imobiliârs si apliche dome la alicuote agjevolade previodude pes abitazions principâls.